



Broj: UP1-10/1-38-010399-3/16
Tuzla, 27.06.2016.godine

Na osnovu člana 8. i 23. Zakona o ministarstvima i drugim organima uprave („Službene novine Tuzlanskog kantona“, broj: 17/00, 3/01, 12/03, 10/05, 3/08, 8/11 i 15/13) a u vezi sa članom 20. stav (3) Zakona o visokom obrazovanju („Službene novine Tuzlanskog kantona“, broj: 8/08, 11/09, 12/09, 13/12, 16/13, 7/14 i 8/14), članom 200. Zakona o upravnom postupku („Službene novine FBiH“, broj: 2/98 i 48/99) Standarda i normativa visokog obrazovanja („Službene novine Tuzlanskog kantona broj: 8/15), članom 7. Pravilnika o radu Komisije za ispitivanje uslova za početak rada i obavljanje djelatnosti visokog obrazovanja na području Tuzlanskog kantona („Službene novine Tuzlanskog kantona“, broj: 7/14), Zahtjeva Edukativno konsultantske kuće FINconsult d.o.o., kao osnivača Visoke škole za finansije i računovodstvo u osnivanju za donošenje rješenja o ispunjenosti uslova za početak rada i obavljanje djelatnosti visokog obrazovanja koji je zaveden pod brojem : 10/1-38-010399/16 od 18.03.2016. godine i konačnog Izvještaja Komisije domaćih i međunarodnih stručnjaka za ispitivanje uslova za početak rada i obavljanje djelatnosti visokog obrazovanja od 24.06.2016. godine. Ministarstvo obrazovanja, nauke, kulture i sporta (u daljem tekstu: Ministarstvo), donosi

RJEŠENJE

o ispunjenosti uslova za osnivanje i početak rada visokoškolske ustanove

1. Odobrava se osnivanje i početak rada visokoškolske ustanove Visoka škola za finansije i računovodstvo Tuzla, sa sjedištem u Tuzli, ulica M. Trifunovića Uče 9-11.
2. Visoka škola za finansije i računovodstvo Tuzla, nakon upisa u sudski registar, podnosi Ministarstvu zahtjev za licenciranje studijskog programa: Finansije i računovodstvo u čijem sastavu su dva smjera: Finansije, bankarstvo i osiguranje; Računovodstvo, porezi i revizija
3. Konačnošću ovog rješenja, ispunjavanjem uslova iz tačke 2. ovog rješenja i donošenjem akta o osnivanju, na zahtjev Visoka škola za finansije i računovodstvo Tuzla, Ministarstvo izdaje dozvolu za rad (licencu) i vrši upis u Registar visokoškolskih ustanova.

OBRAZLOŽENJE

Ministarstvu obrazovanja, nauke, kulture i sporta Tuzlanskog kantona obratila se Edukativno-konsultanska kuća FINconsult kao osnivač visokoškolske ustanove: „Visoke škole za finansije i računovodstvo“ Tuzla sa zahtjevom za donošenje rješenja o ispunjenosti uslova za početak rada i obavljanja djelatnosti visokog obrazovanja zaveden pod brojem: UP1-10/1-38-010399/16 od 21.03.2016. godine.

Ministarstvo je zahtjev Edukativno-konsultantske kuće FINconsult kao osnivača visokoškolske ustanove: „Visoke škole za finansije i računovodstvo“ Tuzla sa sjedištem u ulici M. Trifunovića Uče 9-11., Tuzla sa priloženom dokumentacijom, prosljedilo Vladi Tuzlanskog kantona na razmtranje i davanje prethodne saglasnosti o postojanju društvene opravdanosti za osnivanje Visoke škole za finansije i računovodstvo. Vlada Tuzlanskog kantona je donjela Odluku o davanju prethodne saglasnosti o postojanju društvene opravdanosti za osnivanje Visoke škole za finansije i računovodstvo, Odluka broj: 02/1-38-10399/16 od 24.05.2016.godine. Ministarstvo je u daljem postupku predložilo sastav Komisije za ispitivanje uslova za početak rada i obavljanja djelatnosti visokog obrazovanja na području Tuzlanskog kantona i isti dostavilo Vladi Tuzlanskog kantona na razmtranje i davanje prethodne saglasnosti na predloženi sastav Komisije. Vlada Tuzlanskog kantona je donjela Odluku o davanju prethodne saglasnosti za imenovanje Komisije, Odluka broj: 02/1-38-10399-1/16 od 14.06.2016.godine.

Komisija je održala dva radna sastanka tokom dana 24.06.2016. godine, i Ministarstvu dostavila Izvještaj o radu Komisije sa zapisnicima.

Na osnovu materijala koji su po Zakonu dostavljeni svim članovima Komisije i na osnovu posjete visokoškolskoj ustanovi Komisija je sačinila Izvještaj kojim je konstatovano da je dostavljena sva potrebna dokumentacija u skladu sa Zakonom o visokom obrazovanju i Standardima i normativima visokog obrazovanja.

Komisija je konstatovala da je Visoka škola za finansije i računovodstvo uz zahtjev priložila Elaborat o opravdanosti osnivanja Visoke škole za finansije i računovodstvo u Tuzli, koji se sastoji od 14 poglavlja i to:

1. O značaju visokog obrazovanje,
2. Opće napomene o osnivačima i razlozima osnivanja visokoškolske ustanove,
3. Sjedište i naziv.
4. Dužina trajanja studija.
5. Svrha i ciljevi osnivanja Visoke škole,
6. Bolonjski process na visokoškolskim ustanovama,
7. Studijski programi u sastavu Visoke škole,
8. Nastavni plan i program,
9. Pravila studiranja,
10. Akademske titule, naučna i stručna zvanja koja se stiču završetkom studija,
11. Opći i posebni uslovi utvrđeni standardima i normativima,
12. Finansijska sredstva potrebna za ispunjenje uslova utvrđenih standardima i normativima,
13. Godišnja cijena koštanja studija,
14. Načini osiguranja sredstava za rad i više priloga.

Elaborat je napisan detaljno i kvalitetno na 128 stranica.

1. Komisija je provela stručnu ocjenu Elaborata o opravdanosti osnivanja i provjeru ispunjenosti uslova za početak rada i obavljanje djelatnosti visokog obrazovanja Visoke škole za finansije i računovodstvo Tuzla, kao i dokumentacije kojom se dokazuje ispunjenost uslova u skladu sa Zakonom o visokom obrazovanju i Standardima i normativima visokog obrazovanja

2. Nakon detaljne analize sadržaja Elaborata i priloga. Komisija je konstatovala:

a) da je Elaborat napisan detaljno i kvalitetno na 128 stranica teksta, pri čemu je nastavni plan i program predstavljen na dodatnih preko 100 stranica,

b) da je izvođenje studijskog programa: „Finansije i računovodstvo“ na Visokoj škole za finansije i računovodstvo Tuzla opravdano,

c) da Visoka škola za finansije i računovodstvo u Tuzli ima nastavne planove i programe donesene u skladu sa Zakonom,

d) da će Visoka škola za finansije i računovodstvo u Tuzli primiti u radni odnos nastavnike za nastavne predmete i drugo nenastavno osoblje u skladu sa Zakonom o visokom obrazovanju,

e) da su ispunjeni standardi i normativi visokog obrazovanja koji se odnose na prostor, namještaj, broj toaleta, te uslova za kretanje invalidnih osoba.

f) da su ispunjeni uslovi za realizaciju nastavnog procesa u pogledu nastavnih sredstava, te računarske i komunikacijske opreme,

g) da su ispunjeni standardi i normativi vezani za štampanu i elektronsku biblioteku građu..

h) da su obezbijedena finansijska sredstva potrebna za osnivanje i rad visokoškolske ustanove

Komisija na osnovu priložene dokumentacije i uvidom na licu mjesta konstatuje da je postupak osnivanja visokoškolske ustanove saglasan sa odredbama Zakona o visokom obrazovanju i da je obavljen u skladu sa Zakonom, te da su ispunjeni propisani uslovi za osnivanje i početak rada visokoškolske ustanove.

Na osnovu svih činjenica detaljno obrazloženih u Izvještaju, Komisija je dala pozitivnu ocjenu vezano za ispunjenosti uslova za osnivanje i početak rada i obavljanja djelatnosti visokog obrazovanja pa na osnovu toga predložila je Ministarstvu da donese rješenje o ispunjavanju uslova za osnivanje i početak rada i obavljanja djelatnosti visokog obrazovanja na području Tuzlanskog kantona Visoke škole za finansije i računovodstvo Tuzla

Članom 27a. stav (2) Zakona o visokom obrazovanju propisano je „Visokoškolska ustanova u postupku osnivanja mora zasebno licencirati svaki pojedinačni program koji namjerava izvoditi.“

Članom 1. Pravilnika o izmjenama i dopunama pravilnika o postupku licenciranja studijskih programa prvog drugog i trećeg ciklusa studija visokoškolskih ustanova na području Tuzlanskog kantona („Službene novine TK“, broj 7/14, 10/15 i 14/15) propisana je obaveza licenciranja studijskih programa prvog, drugog i trećeg ciklusa studija visokoškolskih ustanova koje se osnivaju.

Članom 22. stav (1) Zakona o visokom obrazovanju propisano je „Nakon donošenja rješenja o ispunjenosti uslova za osnivanje i početak rada i obavljanja djelatnosti visokog obrazovanja i akta o osnivanju, na zahtjev visokoškolske ustanove, Ministarstvo izdaje dozvolu za rad (licencu).

Na osnovu gore navedenog odlučeno je kao u dispozitivu rješenja.

Pouka o pravnom lijeku:

Protiv ovog rješenja ne može se izjaviti žalba ali se može pokrenuti upravni spor pred nadležnim sudom.

DOSTAVITI:

- 2 x Ministarstvu obrazovanja, nauke, kulture i sporta Tuzlanskog kantona
- 3 x Edukativno-konsultantskoj kući FINconsult kao osnivaču Visoke škole za finansije i računovodstvo Tuzla,
- 1 x Dosije
- 1 x Arhiva



MINISTAR

Mr. sc. Zlatan Muratović